



PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-919/03
Sarajevo, 26.06.2003.

Z A P I S N I K

sa 10. sjednice Ustavno - pravne komisije

Sjednica je održana 26.06.2003. godine s početkom u 15,00 sati.

Sjednici su prisustvovali članovi Komisije:

- | | |
|-------------------|---------------------|
| 1. Beriz Belkić | 5. Seada Palavrić i |
| 2. Mirsad Ćeman | 6. Tihomir Gligorić |
| 3. Martin Raguž | |
| 4. Miro Ivo Jović | |

Borislavu Paravcu je prestao poslanički mandat, a Petar Kunić i Nijaz Duraković su najavili odsustvovanje.

Sjednici je prisustvovao poslanik Nikola Špirić predlagač zakona.

Sjednici su prisustvovali sekretar Komisije Milan Zjajić i student stažista Eznmana Hadživdić.

Predsjedavajući Komisije Mirsad Ćeman predložio je izmjenjeni dnevni red u odnosu kako je predložen u pozivu za 10. sjednicu. Naime, zbog neprisustvovanja sjednici Seada Avdića, predlagača Zakona o Novinskoj agenciji Bosne i Hercegovine "BH PRESS", radi službenog puta u inostranstvo i najave Zamjenika ministra pravde BiH da će se na prvoj narednoj sjednici Vijeće ministara izjasniti o Prijedlogu ovog zakona, predsjedavajući Ćeman je predložio da se ova tačka odgodi za 11. sjednicu. Tako da je predsjedavajući uz napomenu da se pod ostalim pitanjima razmotri informacija o Okruglom stolu na temu "Nadležnosti i odnosi institucija BiH i entiteta", predložio sljedeći:

D N E V N I R E D

1. Verificiranje zapisnika sa 8. sjednice održane 02.06.2003. i sa 9. sjednice održane 06.06.2003. godine,
2. Prijedlog Okvirnog zakona o restituciji u BiH, predlagač poslanik Nikola Špirić, nadležna Ustavno-pravna komisija,
3. Ostala pitanja.

Predloženi dnevni red jednoglasno je prihvaćen.

Ad. 1. Verificiranje zapisnika sa 8. sjednice održane 02.06.2003. i sa 9. sjednice održane 06.06.2003. godine,

Zapisnik sa 8. sjednice je bez primjedbi jednoglasno verificiran. Na zapisnik sa 9. sjednice su iznešene primjedbe, da nisu poimenično navedeni predstavnici međunaorodnih organizacija, koji su prisustvovali sjednici i da se prisutni predstavnici Vijeća ministara BiH navedu po hijerarhijskom redu u odnosu na funkcije. Uz ove primjedbe i zapisnik sa 9. sjednice je jednoglasno verificiran.

Ad. 2. Prijedlog Okvirnog zakona o restituciji u BiH,

Nakon kraće uvodne diskusije predlagača zakona, poslanika Nikole Špirića, koji je pojasnio ustavni osnov i potrebu za donošenjem zakona i zamolio da se na raspravu nadležne komisije pozovu predstavnici udruženja građana koji traže restituciju, skoro svi prisutni članovi Komisije su takođe u

kratkim diskusijama pozdravili predlaganje jednog ovakvog zakona, saglasili se da za njegovo donošenje postoji i valjan ustavni osnov i velika potreba.

Nakon provedene rasprave, Ustavno-pravna komisija Predstavničkog doma Parlamentarne skupštine BiH je jednoglasno utvrdila da:

1. Postoji valjan ustavno-pravni osnov za donošenje Okvirnog zakona o restituciji u Bosni i Hercegovini,
2. Ustavni osnov sadržan je u članu II tačka 1. i 2. Ustava Bosne i Hercegovine, kako je naveo predlagač,
3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Ostala pitanja

Pod ovom tačkom dnevnog reda članovi Komisije su komentarisali pisanu Informaciju o aktivnostima za pripremu Okruglog stola na temu: "Nadležnosti i odnosi institucija BiH i entiteta".

Članovi Komisije su sa žaljenjem primili vijest da će članovi Kolegija Predstavničkog doma biti odsutni u vrijeme održavanja Okruglog stola, kao i informaciju o odsustvovanju predsjedavajućeg Doma naroda, ali su konstatovali da je prevashodni cilj Okruglog stola stručne prirode, a ne protokolarne. Posebno je ukazano na potrebu da se tok Okruglog stola snima i izvrše ostale pretpostavke kako bi se na pogodan način moglo publikovati sve što je značajno i ima trajne vrijednosti.

Predsjedavajući je u 16,00 sati zaključio sjednicu.

SEKRETAR KOMISIJE
Milan Zjajić

PREDSJEDAVALJUĆI KOMISIJE
Mirsad Ćeman

